

AGENDRE FANÖRÖ TÖDÖ FA'AURI SI LÖ AETU

MINGGU 24 NOVEMBER 2024

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua Zo'aya. Ma'ökhö andre no tarugi ba gangohorita Ndröfi Niha Keriso. Ya sowuawua tödö ita ba we'amöi föna Keriso ba wanötöna fa'auri si lö aetu. Ma'owai Ami ba döi Zo'aya ya'ita Yesu Keriso, Ya'ahowu.

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 427**

427. TEROU SIBAI DÖDÖDA 1

do = g 4/4

MM = 96 - 104

1. Terou sibai dödöda, wogamö lakhömi.
Ni 'asiwai Zo'aya, sinema zamati.
Lö fa'abu dödöda, na no oi tarugi.
Me khö Yesu fao ita, Razo solakhömi.
2. Fefu zomasi ita tasöndra ba da'ö.
Fa'auri si lö aetu, fa'ohahau dödö.
Lö ae mamalömalö wa'omuso dödö.
Me khö Yesu fao ita, Razo Wa'atulö.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Si manö zi möna andrö, nifonukha nukha safusi, ba lö'ö manö sa'ae Ubunu döinia ba zura wa'auri andrö, ba U'ombakha'ö döinia, ba zi so Amagu, ba ba zi so Mala'ika andrö khö-Nia **HALELUYA.....**

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He So'aya ya'aga, Lowalangi sauri ba sangorifi. He matörö mbawa danö si göna lumö wa'amate, ba lö khöma fa'ata'u, me no Ya'ugö Gubaloma, sondrorogö Ya'aga. Tebai i'alani ndra'aga fa'amate, me no Ya'ugö zangorifi ya'aga. Möiga khö-U ba wanou'ö boto awö nosoma, me no Ya'ugö zokhö ba samatörö fa'auri ba fa'amatema. He Ama ma'andrö Khö-U, rorogö ba fatöröga ba zomasi Ndra'ugö irugi gamozua, famakhamö nahia ba zi so Ya'ugö. Si lö mamalömalö nisuno ba nifolakhömi Ndra'ugö, awö Zo'aya ya'aga Yesu Keriso ba Eheha Ni'amoni'ö. Yaduhu **(Mudadao zato)**

3. MANUNÖ moroi ba Mbuku Zinunö Numero 431

431. OMASIDO, OMASIDO

Lala : Röfa Yesu, Röfa Yesu (No. 106)

do = bes 3/4

MM = 88 - 96

1. Omasido omasido, na khö Yesu fao ndra ' odo.
Humulu sibai dödögu, na ba zi so Ia möido, me sangorifi ya' o.
2. Haga-Nia zangoroma, lalagu ba gulidanö.
Ha khö-Nia utötöna, wogamö so' ahonoa, naha sohahau dödö.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Yesaya 9:1-7**

1. **Tenga sa si lõ tebulö zogömigömi, ba zi no göna famakao. Me fõna, ba no ifatörö wangaila ba dano Zebuloni ba ba danö Nafetali, ba dania, ba i'ebua'ö döi, lala ba na i andrö, singa Yoridano, tanö niha solohe adu andrö.**
2. **Banua sanörö sogömigömi, ba la'ila haga sabölö dania. Ba zi so ba danö, si no tehawu si bongi, ba mohaga dania. (Luk. 1, 79. Efes. 5, 14.) Omuso sibai dödö öbe'e.**
3. **Ba zi lõ ni'ebua'ömö fa'omuso dödö, ba somuso tödö dania fõnau, timba wa'omuso dödö ba wamasi ba timba wa'omuso dödö na lafaosa gahulua ba wanuwö.**
4. **Kalo mbagi andrö, norora, ba ue andrö si tohare ba hulura, bözibözi andrö ba danga mandru, ba öfatö sa'ae, si mane me leoo Midiano andrö.**
5. **Fefu wangaro zangaro andrö ba wanuwö ba baru andrö, si no göna do, ba nitunu sa'ae, ö galitö.**
6. **Tumbu dania khöda nono, tebe'e khöda nono matua; tebe'e ba galisia wamatörö ba tebe'e töinia Zahölihöli dödö ba Samolala tödö ba Lowalangi sabölö, ba Ama zi lõ aetu ba Salawa wa'atulö.**
7. **Fa'asalawania ba wamatörö ba fa'atulö andrö, ba si lõ aetu, ba dadaoma Dawido andrö ba ba gamatöröwania, wangaro ya'ia ba fangabe'e ya'ia fanguhuku satulö, i'otarai da'e, ba irugi zi lõ aetu. Fa'aukhu dödö Yehowa ngahönö zolau si manö.**

Simanö daroma Li Lowalangi, da tatema'ö faoma sinunö: **BZ.Numero 3: 2**

3. MASUNO'Ö YEHOWA¹

do = f 3/4

MM = 96 - 104

Sumange la'ohe khö-U, mala'ika awö niha.

Dozi ira manunö, lasunosuno Yehowa

Lira lõ mo'aetufa, götögötö wa'ara.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lõ horöda, ba talimo ita, ba siduhu lõ'ö ba dödöda. Na ta'ombakha'ö Horöda, ba lõ faröi Ia, ba no satulö Ia, fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita fõna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi si so ba zorugo yawa. No sowuawua tödö ndra'aga, böro howuhowu-Mö si no Ö'amualagö ba wa'aurima irugi ma'ökhö andre. Aboto ba dödöma wa no Ya'ugö gumbu wa'auri, ba no Ya'ugö gamozua wa'aurima. Ba

hiza mafaduhu'ö wa tenga sinangea ndra'aga tanö föna-Mö, me no fahöna horö si no mafalua i'otarai iraono ndra'aga, he ba gera'era dödöma, fehedema awö gamuatama si lö faudu ba daroma Li-Mö. Asese ma'osiwawöi ginötö nibe'e-U khöma, ba ambö ndra'aga wangoguna'ö tödö satuatua ba wangerai bongima, ba no malulu wa'aurima ni fatörö gisö'isö dödö wa'a'ösi niha. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, si no mafalua, irege sohahau tödö ndra'aga wanohugö fekolima ba ginötö fönama si faudu ba zomasi Ndra'ugö

SATO : Mangandrö ba dödö zamösana föna Lowalangi.....1 irugi 2 meniti

Hakhösi dödö-U khöma Ama, ba be'e aefa khöma horöma andrö ma'afefu.....Yaduhu

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : “Sahakhö tödö Yehowa ba sebua tödö; ebolo sibai dödö-Nia ba no oböwö sibai Ia. Lö nibe'e-Nia dali horöda ba lö nisulöni-Nia Khöda olalöwada. Si mane fa'ahakhö dödö nama nononia, si manö wa'ahakhö dödö Yehowa zangata'ufi Ya'ia”. LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrongo daroma Li Lowalangi, tehalö moroi ba zura **Fama'ele'ö 11:15-19**

15. Ba ilau dorofe mala'ika fanete zi daññö, ba terongo li segebua ba zorugo, lamane: No möi khö Zo'aya ya'ita wamatörö andrö, ba guli danö, ba khö nibayoini andrö khönia, ba razo ia, irugi zi lö aetu.

16. Ba latuhi danö, lafalögu tou ira satua andrö, si dua wulu a öfa, sidadao föna Lowalangi, ba dadaomara andrö, mangalulu ira khö Lowalangi,

17. lamane: Ma'andrö saoha gölö khöu, ya'ugö So'aya, Lowalangi, samatörö fefu, hadia ia, si so, ba si no so föna, me no öhalö khöu wa'abölö andrö khöu, si no ebua, ba me no razo ndra'ugö.

18. Ba no mofönu soi niha baero; ba no tesao wönumö, ba no irugi inöto, ba zi mate andrö, ena'ö tehuku ira, ba ena'ö öbe'e luu andrö, ba genioni andrö, sama'ele'ö, awö ni'amoni'ö, awö zangata'ufi töimö andrö, he side'ide, ba he sebua, ba ena'ö öfakiko zamakiko uli danö andrö.

19. Ba tebokai gosali Lowalangi andrö, ba zorugo, ba oroma dawöla gamabu'ula li andrö khönia, ba gosalinia andrö; ba so gari mbanua, ba li niha, ba fe'ugu'ugu mbanua, ba siheu, ba teu kara sabölöbölö.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

- SA** : Iada'e tebe'e ginötö ba wamasao fasömbata ba wanörö tödö fa'auri si lö aetu ni dönia'ö Pendeta
- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu. Ba si föföna ua da tafondrongo Li Lowalangi me imane:
 ❖ Mi'ofönai'ö wangalua banua Lowalangi andrö, awö wa'atulö dödö andrö khö-Nia, ba tebe'e nönö-nönö dania khömi da'ö fefu. (Matai'o 6:33)
- SA** : Tafa'ema wasömbata khö Lowalangi, manunö ita moroi ba Mbuku Zinunö **Numero 448**

448. FAHÖNA WA'AHÖLIHÖLI DÖDÖ

Lala : Hewisa Ita ba Hewisa Dödö (No. 423)

do = c 4/4

MM = 76 - 88

1. Fahöna wa' ahölihöli dödö, na mangawuli Yesu So' aya.
Na fao khö-Nia fefu wa' abölö, nitema-Nia moroi khö Nama.
Ba fao khö-Nia göi wa' asala'wa, awö lakhömi si oroi Nama.
Na no irugi ba'wa wanguhuku, lö sa' ae famaigi bawa niha.
2. Fahöna wa' ahölihöli dödö, na mangawuli Yesu So' aya.
Fao khö-Nia mala' ika ngahönö, terongo li dorofe sebua.
Oi maoso göi zi' otarai lewatö, fefu owulo föna Zo' aya.
Dozi latema zulö ba nilaura, dali nifazökhi zamösana.
3. Fahöna wa' ahölihöli dödö, na manguhuku Yesu So' aya.
Fefu zi maoso si' oroi lewatö, fao niha sauri sowanua na.
Oi lö famini, lö göi fabu' asa, na luo wanguhuku dania.
Oroma fefu nilau zamösana, no oi anehe Yesu So' aya.
4. Ba no fahöna wa' omuso dödö, ba niha sanöndra fangorifi.
Ahoru taya wa' erege dödö, solo' ö somasi Lowalangi.
He Yesu, tolo ba sekhegö dödö, fa uböhöi fefu zi lö sökhi.
He na matedo uröi gulidanö mamatido ukhamö lakhömi.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ²***Ira'alawe***

1. Ya' e zumange fasömbata, ma' ohe sumange Yehowa.

Iramatua

- Reff* :Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
 3. Ya'e zumange fasömbata buala si'otarai Nama.
Reff : Ma'andrö khö-U
 4. Ya'e zumange fasömbata, boto, noso, ba fa'aurima
Reff : Ma'andrö khö-U
 5. Ya'e zumange fasömbata, lö irugi zomasi dödö-U.
Reff : Ma'andrö khö-U
 6. Ya'e zumange fasömbata, ma' aghasi gölö Zo'aya.
Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group

- Koor Jemaat
- Kegiata Kom. perempuan (Koor/Vokal Group)
- Kegiatan Sektor 3
- Kegiatan Koremda
-
-

10. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

- Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

11. HUHUA SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- Fatua lö tebaso mbörö huhuo da tafondrondrongo ha wa'ato zi tumbu awö zi no mate barö ndröfi andre :
 - Fa'ato zitumbu.....
 - Fa'ato zimate.....
- Manunö : (Muzizio zato)
 - Manunö BZ. Numero 410:1 + Taromali Lowalangi (Roma 14:7-9)
 - Manunö BZ. Numero 410:2 + Taromali Lowalangi (I Kor. 15:54b-57)
 - Manunö BZ. Numero 410:3 + Fombaso börö huhuo *Danieli / Daniel 7:9-14 (Tuho Migu :Fa'abölö ba Amatöröwa Lowalangi si lö Tebulö / Kekuasaan Dan Kerajaan Allah Tidak Akan Lenyap)*
 - Mangandrö** : He Lowalangi Ama sahakhö tödö. Mangalulu ndra'aga föna-U me lö mamalömalö wa'omasi-Mö ndra'aga. Öfolombase zi no erege tödö ba wasöndrata ba horö, ba Öfuli Öfatumbu'ö zi bohohou ebua ba wangila lakhömi-Mö andrö. Tologa ya'aga sauri na ba guli danö, fama'ila ma'oguna'ö zi tosai wa'aurima andrö nitehe-U ba wanggalui fangorifi nosoma, ba ba wamosumange Ya'ugö, Yaduhu. **(mudadao zato)**
 - Fanuriaigö
 - Nitanö ba dödö *Danieli / Daniel 7:14b (Ba fa'abölö-Nia andrö ba sirugi zi lö aetu, ba si lö tebulö, ba amatöröwa-Nia andrö ba lö'ö manö adudu. / Kekuasaan-Nya ialah kekuasaan yang kekal, yang tidak akan lenyap, dan kerajaan-Nya ialah kerajaan yang tidak akan musnah.)*

g. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

1. No mafondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

12. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

14. ANGOMBAKHATA BA MBANUA NIHA KERISO

SA : Da tafondrongo gangombakhata:.....

15. HALOWO FEMANGA GÖ NI'AMONI'Ö

MANUNÖ

SA : Manunö ita moroi ba Mbuku Zinunö **numero: 439 ayati 1-2**

439. SO MBANUA SI SÖKHI SIBAI₁

do = g, 4/4

MM = 96 - 104

1. So mbanua si sökhi sibai, soroma ba hörö wamati.
sorugo, naha solakhömi ba da ' ö möi zaro famati.
Sökhi ae dania na falukha ita ba da ' ö.
Sökhi ae dania na falukha ita ba da ' ö.
2. Ba da' ö oi faondra zamati, manunonuno Lowalangi.
Taya fefu gabula dödö, ohahau dödöda ma' iki.
Reff. Sökhi ae dania

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö

be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
 ❖ Ya mufahowu'ö ami/ita Lowalangi, Ya murorogö ami/ita
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **426 ayati 1**
426. MIYAŴA BA ZORUGO 1

do = g 3/4

MM = 88 - 96

1. Miyaŵa ba zorugo, ösaŵa tödögu.

Si tou ba gulidanö, lö fangorifigu.

Khö Zo ' aya si yaŵa zindruhu sa nahada.

Olombaseŵada sahono dödöda.

SH : YA'AHOWU

SATO : YA'AHOWU